

آبونه شرائطی : هریر ایچون
 سنه لکی (۴۰۰) آلتی آیلغی
 (۲۲۵) ممالک اجنیه ایچون
 سنه لکی (۴۵۰) آلتی آیلغی
 (۲۵۰) غروشدور.

نسخه سی ۷,۵ غروشدور .
 سنه لکی ۵۰ عددور .

اداره خانه : باب عالی جاده سنده
 رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه
 قبول اولنور . درج ایدله یین
 یازیلر اعاده اولماز .

الدوره

آدره من تبدیلنده ایرلیجه
 غروش کوندرملیدر .

مکتوبلرک امضالری واضح
 و او قوناقلی اولسی و آبونه
 صره نومروسی محتوی
 بولونسی لازمدور

ممالک اجنیه ایچون آبونه
 اولانلرک آدرسلرینک
 فرانسزجه یازلسی رجا اولنور .

پاره کوندرلدیکی زمان نهیه
 دائر اولدیغی ییلدیلسی
 رجا اولنور

اتبعون اهدکم سبیل الرشاد

صاحب و مدیر
 اشرف ادیب

باش محرر
 محمد ماکف

والله یهدی من یشاء الی صراط مستقیم

اولسی، فرنکجه اولسامسی بر قصور اوله حق که غریبیلر مزی علاقه دار ایتیمور. «حقوق عباد» او قدر واجب الرایه برحق، طرز اداره او قدر مجبوری الاجرا بر عمده در که هر کس بو حدودی تجاوز ایتامکه و محافظه ایتامکه مکلفدر. «نفع عام ایچون ضرر خاص اختیار اولنور»، «جمهوره مخالفت قوه خطادندر.» دساتیری بورو حی افاده ایده جک اساسلردر. حیات عمومی ده بالذات الک یوکسک مقاماتدن الک اوافق مأموریت قدر هر کس امتک امور و خصوصاتک تسویه سی ایچون اجیر خاص موقعنده اولوب آنجق جمهور مسلمینک رأی حاکم و نافذدر.

جمعیت حیاتی بو قدر شمول و وضوح ایله، غربک دها واصل اوله بیلیمکدن جوق اوزاق بولندینی بر فکر تجدد و عدالتله ساحه تطبیقاته ایصال ایدن اسلامیت؛ فصل اولورده دین ایله دنیای آیرر؟ مسلمانانی خریستانیت اقایمله مزوجاً تدقیق ایتک، یاکلش بر یولدر. اسلامیتی بشقه یوللردن دکل، روح صافیتنه حلول ایتک، فکر تدقیق و تحلیل و تعقیبی اساس اتخاذ ایتک شرطیه احاطه به جالیشمق لازمدر. یوقسه یاکلش مبدألردن حرکت ایدیلرسه اساسات شرعی دن ملهم قانونلر مزده قرون وسطائی بر ذهنیت کورولدیکی، مجله نیک ملق ر عصر ر قیدن محروم بر اقدینی، غنناک مانع ترقی اولدینی یولنده جابجا منکسر الحقیقه رؤیتلر ظهوره کلش اولور. بیک اوچوز سنه اول مدینتک، عصر یلکک الک یوکسک اساساتی قوران مسلمانلق، معاملاننده، عقوباتنده غربک بیک بر جربان ایچنده وجهه استقامتی، رهای اجتماعینی، نور وجدانینی غیب ایدن استحالینه محتاج دکلدر. «حقوق اسلامی» و قوه تأییدی سی اولان «قوانین شرعی» هر زمان ایچون در، احوال روحیه بشریه موافق، الک یوکسک بر قیمت علمی بی حازدر.

مس هکمت

هندستانده استقرار مجاهد لری

امام الهند مولانا ابوالکلامک انگلیز حکمرانه

خطاباً ایراد ایتدیکی نظر

۴

شریعت اسلامی مسلمانلره ظلمه دوچار اولدقلری زمان ایکی یول کوستر مشدر. برنجیسی اسلام حکومتک استبدادینه، ایکنجیسی اجنبی حکومتک استبدادینه قارشیدر. برنجی یول امر بالمعروف و نهی عن المنکر وظیفه سنی ایضا، حق اعلان و ظلمی تقییح ایتکدر. ایکنجی یول قیلجی چکوب حرب ایتکدر. هر ایکسینده مسلمانلر جانلرینی فدا ایتمکه رحمت الهیهی امید ایدرک دنیا و آخرتده فلاحی تمی ایله رک کمال صبر و متانتله اولومی قارشیلماقله مأموردرلر. بوندن

روحانیلر طرفندن تفسیر ایدلمسی «طرزنده تلقین ایدلمک ایسته نیان بو مسلکک ده اسلامیتله قطعاً بر علاقه سی یوقدر. بلکه خریستانلغه عائد عقائدک محصولاتندندر.

اسلامیتده نهره بایت ونده روحانیلر موجوددر. قرآن کریمک تفسیری حقیقه هیچ بر صنفه، هیچ بر عالمه، هیچ بر مؤسسه به بخش و تخصیص ایدلمه مشدر. قرآن کریم بتون بشریتک مشترک قانون عمومیسیدر. اونک یوزندن مستفید اولمق ایستین هر فرد ایچون اوقومق، آکلامق، دوشونمک حق موجوددر. بر خالقه عبودیت مجبوریت فطریه سندن وارسته قالسی ممکن اوله میان بشریتک مغزواتله قطع علاقه ایلمسی ممکن دکلدر. تاریخ ادیان کوسترییور که دنیانک تگونشندن بری انسانیت دائماً بور و حدن اقتباس قوت ایتیش، تسلی بولمشدر.

بشریتک احتیاجات و تکامل فکریسه کوزه تکامل کوستر دین، اساساً ظن اولندینی کی نه قرالره - حاشا - قوه قدسیه، وکالت روحانیه ویرمش؛ نده حق باطل، باطلی حق اوله رق کوستر مشدر. دین کال اولان اسلامیتده ایسه ملتک بتون افرادی حقوقاً یکدیگری نه مساویدر. خصوصاً، روحانی امتیازلره مالک هیچ بر صنف موجود اوله ماز. خلیفه داخل اولمق اوزره هر کس اعمالندن مسئولدر.

شوقدر وار که: «دنیا آخرتک تارلا سیدر.» دین «دین» ایله «ملت» مفهوملری بر عدایدن اسلامیت شریعتله دنیای آیرما مشدر. بو ایکی جهت، حیاتک هر صفحه تظاهراننده انفصالی ممکن اولیان اجزای اصلیه دندر. معنوی قوتلردر که، مادی ساحه لرده انتظامی و فایه دینلن مفکوره لری تولید ایدر. هیچ بر شی مقصد سز و سبب سز اوله میه جفتدن مساعی مادی ده بلا سبب دکلدر. مسلمانلق حیات دنیای بر منشا اوله رق تلقی ایتیز. دیگر بر عالمه منتهی بر طریق عد ایدر.

بونک ایچون یکدیگری نه مربوط اولان مادی و معنوی حیاتی اصلا تفریق ایتیز. اسلامیت ساده عقائد و رو دیالدا کتفا ایتیه رک معاملات ناسه عائد کافه اموری، اجتماعی، فنیاتی، تاریخی، علمی احتوا ایتک اوزره بر مؤسسه کلیه وجوده کتیر مشدر. بناء علیه: مسلمان ومتدین اولان تورک دین و دنیاسنک ناظمی اولان بر قانون طائیر که اوده قرآن کریمدر.

کورولیور که: بتون ادعالره رغماً هیئت اجتماعیه من هیچ بر بقایا ایله معلول دکلدر. بلکه اصل حیاتمزدن، اجتماعیاتمزدن، روحزدن تطهیری اقتضا ایدن بر بقایا واردر که: اوده تحلیل، تدقیقه غیر مستند، ماهیت علمی، قیمت تطبیقی سی اولمایان عندی غریبیلر جریاندن عبارتدر. یک حق سز اوله رق (لایق) بر اساس عد اولیان «ده موقراسی» عصر لردنبری اسلامیت محیطنده یشامش و تجلیات کونا کونیه جهانی نورلاندیرمش بر عمده در. یالکز اسمنک «حقوق عباد»

طولای ظالم والیلزله مجادله ایدرکن مسلمانلرک جام شهادتی نوش
ایتدکلرینی کوردیکمز کی کله حق اعلان واعلا اوغورنده اجنیلرک
ایله واصل مرتبه شهادت اولدقلرینی کورورز . مسلمانلر بووادیله
اقوام سائره نك کافه سنی کچمشلر و بوندن طولای کرک « فعالیت
عسکریه » لری ، کرک « فعالیت مدنیه » لری اعتباریله بی نظیر قالمشلردر .
بوایضا حاتمزدن هندستان مسلمانلرینک ایکنجی خط حرکتی
اختیار ایدرک انکلتزه اعلان حرب ایتمه لری واولونجه یه قدر اونکله
مجادله ایتمه لری اقضا ایتدیکی آشکاردر . حال بوکه هندستان مسلمانلری
برنجی خط حرکتی ترجیح ایدرک سلاح قالدیرمایه جقلرینی ، قان
دوکیه جکلرینی ، انکلتزه یه بوقوتاز تطبیق ایتکله ، انکلتزه ایله
تشریک مساعی ایتمه مکله اکتفا ایدم جکلرینی بیان ایتدیلر .
وبو صورتله انکلتزه حکومتنه قارشى آنجق بر حکومت اسلامییه
قارشى تعقیب اولونایله جک بر خط حرکت تعقیب ایتمش اولوبورلر .
کرچه هندستان مسلمانلرینک برنجی خط حرکتی تعقیب ایدرک انکلتزه یه
اعلان حرب ایتمه لرینه امکان یوقدر . فقط بو مسلمانلر کندیلرینی
انکلز طوللرینک آغزیه آتمقدن ، انکلزلرک یولنی پارچه لایتمش
کوده لرله سد ایتمکدن عاجز دکلردر . انکلتزه نك بومساحه کارانی
تقدیر ایتمه سی ایجاب ایتزمیدی ؟

حکومتک محضانی جزایه دوچار ایتک ایچون بورایه کتیرمه سنی
نی هیچ بر وقت متأثر ایتز . نی متأثر ایدن جهت ، بر مسلمانک
طوغری بی سویله مه سی طلب اولوناجتی برده ، قانون جزانک یوزیکرمی
دردنجی ماده سی حق سویلیه نی دوچار جزا ایتدیکندن طولای ،
هر مسلمانک صوصمه سنی ایسته مک ومسلمانلرک ظالمه « ظالمسک ! »
دیملرینه مانع اولمقدر .

حال بوکه مسلمان ، تاریخ اسلامک ایلک دورلرندک الجبار حکمدارلر
قارشى : « ظالمسکز ! » دیر و هیچ بر جزادن ، هیچ بر اشکنجه دن
قورقمازدی ! بو وضعیت ایله ۱۲۴ نجی ماده کزک احداث ایتدیکی
وضعیتی بر کره مقایسه ایدیکمز !

فقط بک الیم اولمقله برابر شوراسی قابل انکار دکلدرکه بوشرفسز
انقلابدن ، آجنیلرک دیار اسلامییه مسلط اولمالرندن بالذات مسلمانلر
مسئولدرلر . چونکه مسلمانلر حیات اسلامییه نك بوتون خصائصی
ضایع ایتمشلر ، عبودیت رذائلنک کافه سنی قبول ایشلر و حال حاضر لرله
اسلامک باشنه بر فلاکت کیلمشلردر . بونی سویلیورکن ومسلمانلر
آده سنده ظالملره یاردا قیلقی ایدن ، ظلمه پرستش ایدن آدملر بولوندیغی
کورییورکن قلم پارچه لانیور . قالی الله المشتکی ، ثم ، الی الله المشتکی !
یالکمز مسلمانلرک بوفجیع حالی هیچ بروقت اسلامک تعالیم غراسنی
لکله مز . کتاب کریممزلرک حفظ ایتدیکی بوتعالیم مسلمانلرک آجنیلره ،

مستبدلره قول ، کوله اوله رق یاشاملرینی هیچ بروجه له تجویز ایتیه یور .
بالعکس دائماً حرب یاشاملرینی ، یاخود ناموسلریله اوله لرینی امر ایدیور .
بوندن طولاییدرکه اون ایکی سنه مقدم ، نشر ایتمکده اولدیغ
(الهلال) ده مسلمانلره شونی خاطر لاتمشدم که : « مسلمانلره اجداد
عظاملرندن کندیلرینه انتقال ایدن الک شانی میراث ، حریت اوغورنده
مجاهده ، حق اعلا اوغورنده جان ویرمکدر . بناء علیه بومیراثه بحق صاحب
اوله لری لازمدر . دین اسلام مسلمانلرک هر کسدن وسائر وطنداشلرندن
اول خدمت وطنیه شتابان اوله لرینی امر ایدیور . مسلمانلر بوکی
حرکات ملیه نك قویروغی دکل ، باشی اولمیدر . « الله بیکلرجه
شکر که نم بودعوتیم هبا اولمادی . بالعکس اجابته قارشیلانندی . بوکونده
له الحمد مسلمانلرک قوللرینی صیوایه رق ایشه باشلادقلرینی ، حرکات ملیه یه
اشترک ایتدکلرینی کوریورم .

بوراده انکلتزه نك خلافت اسلامییه قارشى ارتکاب ایتدیکی
مظالمی تکرار ایتک ایسته میورم . بونلری هر کس بیلیور . یالکمز شونی
سویله مکله اکتفا ایدم جکم که شو ایکی سنه ظرفنده بر کون بر کیجه
کچمه مشدرکه بن هر کسه قارشى بومظالمی اعلان ایتمش اولماییم . هر کسک
اوکنده باغیر امام که : خلافت اسلامییه بی ایاقلریله چیکنه ین ، هندستانده
ارتکاب ایتدیکی فحایمندن طولای ندامت طوبیایان دولت ، بومملکتک
برتک اولادندن ذره قدر صداقت بکله یه مز . چونکه بودولت ، اسلامک
ومسلمانلرک بی امان دشمنی اولدیغی اثبات ایتمشدر .

بزبو حکومتک ظالم اولدیغی وازاله ایدماسی لازم کلدیکنی سویله بورز .
حکومت نیچون حدت ایدیور ؟ ابرکا ظالم اولدیغی حالده « عادلسک ،
بیلدیکی ککدن واز کچمه ، تعقیب ایتدیکیک یوله دوام ایت ! » مألنده می
سوزلر سویله لم ؟ بوکا صورت قطعیده امکان یوقدر .

غریب اولان جهت ، حکومتک ایکی اکسک لقی بولوب اونلری
علیمده مداراتهام عداایتمه سیدر . عیجا حکومت بونلردن باشقه بر شی
بولادی می ؟ یازدیغم بیکلرجه مقاله لر ، ایراد ایتدیکم بر جوق نطقلر
ایچنده یالکمز بو ایی نطقیمی بولدی ؟ حکومت بوتون یازیلر می اله
آلسه هر برنده اختلاجویانه فکیرلر بولایلیر .

حکومت بک اعلا بیلیرکه اختلال برنسیلریله انسیتم یکی ده کلدر .
بالعکس الک کوچوک یاشمدن بری بونلره مشغولم . اون سکمز یاشمدن
اعتبار آحیات تحریریه یه باشلادم . بوتون کنه جلکمی یازی یازمقله ، نطق ایراد
ایتمکله افنا ایتدم . بوتون ملق اختلال پره نسیلرینی قبوله دعوت ایتدم .
بوندن طولای حکومت بی توقیف ایدرک درت سنه حبس ایتمشدی . فقط
بوده بی ایضای وظیفه دن منع ایتمه دی . الک شدتلی مراقبلر آلتند
هر کسی ایقاظه چالیشدم . ذاتاً حیاتک یکانه هدفی بودر .
بناء علیه بکا اسناد ایتدیکی کمز تهمتدن تبری یه هیچ محل یوقدر .

واحد قهاره ایمان ایدرز . و یردیکمز فدا کارقلره ایسانورز . بو کون سلاح استعماله جواز و یرمه یورز . سلاح استعمالی اقتضا ایتدیکی زمان شرعاً استعمالده باش اولمادیغه قانم . فقط شیمدیک بوکا امکان یوقدر . بناء علیه حکومتک بزه قارشى تعقیب ایتدیکی خط حرکت شایان استغراب دکلدر . حکومتک ظالمه نك حریت و حق ایچون بوتون وسائل شدتی استعمال ایتمه سی پک طبیعیدر .

حکومت بنی (اختلال) ایله اتهام ایدیور . (اختلال) نه دیمکدر ؟ بونی آکلامق ایسترم . « اختلال » بو بزم هنوز موفقیته اقتران ایتمین تشبثاتمزیدر ؟ اختلال بو ایسه بنده اختلالچییم . وایشته قارشیکزده بولونیورم . ایسته دیککز جزای تطبیق ایدیکز . فقط ای بیلکیز که بزم تشبثاتمز موفقیتله نتوج ایتدیکی زمان سزک اختلال تسمیه ایتدیکنز حرکات « وطنپرورلک » و « حریت اوغورنده جهاد » نامی آلیر . دون ایرلاندا رهبرلینه سزده عاصی و اختلالچی ، دیور دیکز . فقط بو کون بونلره « حریت قهرمانلری » ده نیلیور . حریت ، ظلم و قهرک دوکدیکی قانلره اروا اولونور . هندستان حکومتی ده بو وظیفه یی ایفا ایدیور .

سوزمی بیترمه دن اول بودعواده بنم علمیده چالشان وطنداشلمه ده بر قاج سوز سویله مک ایسترم :

« افندیلر ، امین اولکنز که سزک طرز حرکتکزدن شخصاً هیچ متأثر دکم . حق سزی یالانچیلیق و تزویر ایله ده اتهام ایتیم . چونکه بوتون سویله دکلرکز طوغر بذر . یالکنز حکومتک استبدادینه ، ظلمنه ، اسلامه قارشى اعلان ایتدیکی حریده حکومته ظهیر اولقله اللهه قارشى عصیان ایتیش اولویورسکنز . امین که وجدانکنز سزی توبیخ ایدیور . فقط سزی بو طرز حرکتی اختیاره مجبور ایتدکلرینی بیلیورم . چونکه فقیرسکنز . باشقه برواسطه ایله قارنکزی طویورمغه امکان بولامیورسکنز . کندکزده حق اوغورنده فلاکتلره ، مصیبتلره تحمل قدرتی ده کورمیورسکنز . بناء علیه سزی تقییح ایتیه یورم . سزی عفو ایدیورم و جناب حقکده سزی عفو ایتمه سی تمی ایدیورم .

بوندن باشقه دعوی و کیلی ده کندی وطنداشلمدر . ناصل بر آدم اولدیغی بیلمه یورم . فقط کوریورم که دعوا ایله علاقه دارانی آلدینی پاره دن عبارتدر . بوندن طولای ده کندیسنه قارشى هیچ بر اغبرار حس ایتیه یورم . یالکنز جمله سینه قارشى پیغمبر اسلامک شو دعاسنی تکرار ایده جکم : « اللهم اهد قومى فانهم لا یعلمون : یاربى قومى مظهر هدايت ایله ، چونکه جاهلدرلر . »

حاکم قندی ! سزده آنجق بندن اول بو وضعیتده طوران مؤمنلرک سویله دکلرینی سویله جکم : « فاقض ما انت قاض ، امانت تقضى هذه الحیاة الدنيا = نه حکم و یره جک ایسه کز و یریکز . سزک حکمکنز

چونکه سزک تهمت عد ایتدیکنز بو حرکت اسلامیه یی بن احضار ایتدم و بو حرکتدر که افکار اسلامیه ده عظیم برانقلاب یایمش ، مسلمانلری بو کونکی وضعیتیه ایصال ایلشدر . مسلمانلر بنم فکرلری قبول ایتمکه سزک نظر کزده بنم شریک جرم اولمشدر و بنم اوزرمده تطبیق ایده . جککیز جزایه استحقاق کسب ایلشدر . بن ۱۹۱۲ سنه سنده نشرینه باشلادیغیم (الهلال) مجموعه سیله مسلمانلری بو جنایتله تشویقه باشلامش ، هندولرله توحید مساعی ایتملرینه چالیشمشدم . حکومت بو مساعییه تحمل ایده مدی . (الهلال) ی سدا ایتدی . بنده (البلاغ) ی اصداره باشلادم . بوسفر حکومت بنی دردست ایتدی و حبس ایتدی . (الهلال) ک خلاصه نشریاتی « اولوم و یا حریت » دی . بو کون (مها تمنا غادی) نک هندولر آره سنده نشر ایتمکه اولدیغی دعوی بز ۱۹۱۴ سنه سنده تماملامشدر . محبسن چقدقدن صوکره ینه اسکینسی کبی پرنسپلری نشر ایتمکه باشلادم . (قالدکوتا) ده تحت ریاستمه عقد اولانان خلافت قونفره سنده شو قرارک اتخاذینه سائق اولمشدم : « حکومت ضلالتنده دوام ایدرک خلافت متعلق مطالبیزی دیکله . مدیکی تقدیرده مسلمانلر اوامر دینییه توفیقاً حکومتله هرابطه یی کسمکه مجبور اولاجقلدر . »

ینه بو قونفره ده شریعت اسلامیه یه کوره حکومتله مسلمانلرک تشریک مساعی ایتملری لازم کلدیکنی ایضاح ایتمشدم .

ینه عینی قونفره ده مسلمانلرک ، بو حکومتک خدمت عسکرییه . سالک اولاملری لازم کلدیکنی ، چونکه بو حکومتک خلافتله حرب ایتدیکنی سویله مشدم . شایان دقتدر که حکومت (کراچی) ده بوسوزلری سویله نلری جزا دیده ایتدیکی حالد بنی جزایه چارنمایور . حال بوکه غزته لرده دفعات ایله بو حکم دینی اعلان ایتیش ، ریاستم آلتنده انعقاد ایدن اوج خلافت قونفره سینه بو قراری و یردیرمشدم . کچن ایکی سنه ظرفنده بوتون هندستانی طولاشه رق خلافت مسئله سی ، استقلال مسئله سی حقنده نطقلر ایراد ایتمشدم .

۱۹۲۰ سنه سنک کانون اولنده (ناغور) شهرنده انعقاد ایدن بویوک خلافت قونفره سنده ، ۱۹۲۱ سنه سنک نیساننده عقد اجتماع ایدن جمعیت علمایه و سایر جمعیتلره ده ریاست ایتیش ، هپسند نطقلر ایراد ایتیش ، بوتون بوسوزلری سویله مشدم .

بو نطقلرده وارد اولان مطالب حکومتک خوشنه کیتمه یورسه یچون بو نطقلرمدن طولای بنی دوچار جزا ایتیه یورده یالکنز ایکی نطقمی سر رشته اتخاذ ایدیور . . .

بزم خط حرکتمز حکومته قارشى ترک موالاتدر . قارشیمزده حکومت سلاحرله طورییور و بزی ازمک ایسته یور . فقط بو بزی فورقوتاماز ، بزم ماده یه و مادی سلاحرله اعتقادمز یوقدر ، بزیالکنز

آنحقی بوحیات دنیا به طایفه دندرد . چونکه ذره قدر بر اغبرار ، ذره قدر برالم حس ایتیه یورم . جزا کز نه اولورسه اولسون ، بونک اهمیت یوقدر . چونکه بنم دعوام حکومت ایلهدر . بر شخص ایلهدر . حکومت بوزوق اولدقدن صوکره حکومت مأمورندن خیر اومولاماز . سوزلرمی عین موقعده طوران بویوک برادر و بالینک عین وضعیته ایکن سویله دیکی سوزلره بتیره حکم :

« الك اغیر جزای ویریکنز . چونکه سز جزای ویریورکن بنم حقمده بلکه بر آرز شفت حس ایدرسکنز . حال بوکه بن سزک جزا کزی دیکله یور ایکن ذره قدر بر اندیشه حس ایتیه حکم . »
حاکم افندی سوز اوزادی . آریلق زمانی کلدی . بوراده آره مزده کچمن حادثاتی تاریخ قید ایده جکدر . بز بو حادثه بی برلکده احداث ایلدک . سز حاکمک صندالیه سندن ، بن جانیلر موقعندن بو حادثه بی احضار ایتدک . بزدن صوکره کله جکدر ایچون عبرت تشکیل ایده جک اولان بواشی آرتیق بیره لم . مورخ بکله یور . استقبالی بواشی اتمام ایتیه مزه انتظار ایدیور . چونکه بو محکمه نك ایشی بیتدکن صوکره دیگر بر محکمه نك قابوسی آچیله جقدر . بو محکمه قانون الهی محکمه سیدرا .
صوک

اسناد محقق محمد علی عینی بک افندی به

کچنکی مقاله مک چوق اوزامه سی حسیلله ایکنجی مبحثی ایکنجی مقاله مه بیراقش ایدم اولری ده یازینیورم :
۱ — من عرف نفسه فقد عرف ربه

بو وجیزه مبعجله « احادیث مشهره » دندر . « حدیث » لفظی علی الاطلاق سوز وبالخاصه اکا بردن مأثور وجیزه لر معناسنه اولمقله دوزدنچی عصره یعنی آرتیق علم حدیثک جمع وتدوینی کاله ایرنجیه قدر (ذات لاهوتی سمات نبوت پناهی ، اصحاب کرام ، تابعین ، تبع تابعین ، ائمه مجتهدین وسائر اجله دین) دن منقول بالجمله وجائز کونا کون مقصدله انواع تألیفاتده ضبط اولونمشدر . ایلک مؤلفلر احکام دینییه طایفه اثرلرنده بالاده کی ذوانک اقوالی قاریشدر مشلر وجهه سنک کلمات جلیله سندن ده نقل ایلهدر . تربیه دینییه ، زهدیاته ، اخلاقه متعلق اثرلرده بونلرک انواعی مسطوردر . بره یالکنز اقوال نبویه بی حاوی اولانلر واردرکه معلوم کتب احادیثدر . بونلرک اکثری صحیح وضعیف وموضوع ناملریله اوچ بویوک اقسامی شامل احادیثی حاویدر . بمضیلری (صحاح) نامی آلتنده آنحقی صحیح حدیثلری جمع ایتمشلردرکه (صحاح سته) [۱] بو جمله دندر . رسول الله افندیمزه افترا اوله رق

[۱] (بخاری ، مسلم ، ابوداود ، نسائی ، ترمذی ، ابن ماجه) بمضیلری (ابن ماجه) یرینه (موطن) ی ترجیح ایتمشدر . (بخاری ومسلم) آریجه (صحیحین) دیرلر .

بر طایفه منقولات واردرکه بونلره (احادیث موضوعه) دیرلر . (ابن الجوزی ، امام صنعانی ، علی القاری) تألیقاتی اولان (موضوعات) کتابلری مشهوردر . برده راویسی نقل ایدله یورک السنه ناسده (ضرب مثل) کبی تداول ایدن کلاملر واردرکه بونلره (احادیث مشهره) دیرلر . بونلرک ایچنده بالاده سویله دیکم کلماتک هپسندن بولونور . یعنی حدیث پیغمبری نك انواعندن ، اصحاب وتابعین الخ آتاردن ، حتی اسکی شعرك بر مصرعی بیله بولونور . بونلردن بعضلری بزم خلقمزک لساننده بیله شایع اولمشدر . (ضرب مثل) لریمزک ایچینه صوقولمشدر . عوام ناس ، بلکه علم حدیث ایلهدر مشغل اولمایان بعض خواص [۲] بونلردن خلیسی احادیث نبویه صاندقلری جهته بعض علما بونلری جمع ایدوب کونا کون ناملره افراد ایلهدر مشلر واوو جائزک کیملره منسوب اولدیغی واونک حقمده علما طرفندن نلر سویله نیلدیکی آنک ضمننده بیان ایتمشلردر . موضوعلر اولان اثر مناسبتیه کتبخانه مده بو علمه دائر موجود اولان آتاردن بحث ایدیله جکدر .

احادیث مشهره دن برقاچ مثال :

اتقوا فراسة المؤمن فانه ينظر بنور الله — غریب ، ضعیف ، موضوع [۳]
اختلاف امتی رحمة — لاصلله ، ضعیف
اذا لم تستح فاصنع ما شئت — صحیح
اذا جاء القضاء عمی البصر [۴]
اذکروا موتاکم بالخیر [۵]
استفت قلبک — صحیح
اشتدی از منته تفرجی — موضوع
اطلبوا الخیر عند حسن الوجوه — موضوع ، ضعیف ، حسن
اطلبوا العلم ولو بالصین — موضوع
ان الله جمیل یحب الجمال — صحیح [۶]
ان من الشر لحکمة — صحیح
انا عند ظن هند ربی — صحیح
انا عند المنکسرة قلوبهم — موضوع
انا مدینه العلم وعلی بابها — موضوع
ایاکم وحضراء الدمن — موضوع
الارواح جنود مجنده الخ — صحیح
الاعمال بالنیات — صحیح

[۲] امام غزالی ، امام الحرمین کبی اجله بو میانده در . فقهای حنفیه نك قسم اعظمی ده محدثلکه معروف دکلردر .
[۳] حقمده شواوچ تورلو حکم ویرلشدر . دیمکدر . اختصاره رعایت ایچین بویله یازیلدر .
[۴] احادیث مشهره کتابلرنده بو عباره یوقدر . فقط بوکا یاقین وبومأله حدیثلر واردرکه جمله سی بر اصل صحیحه دلالت ایدر .
[۵] احادیث مشهره کتابلرنده بو عباره ایلهدر یوقدر . بزده بو عباره ایلهدر شایع اولمشدر . فقط بو عباره به مشابه ویاخود بومعناده اوله رق (صحیحین) دن ماعدا کتب سندن کورولیور . (حسن) درجه سنده برقوقی اولدینی اکلاشیلیور . زیاده تفصیله مقاله من مساعد دکلدر .
[۶] شرح حدیث بوراده (جمال) دن مقصد تمیزکک وشرف ووقاری محافظه در دییورلر . کوزلک دکل .